

Ugovorne strane:

Ministarstvo unutrašnjih poslova Kantona Sarajevo, ulica La Benevolencije broj 16, koga zastupa ministar, Admir Katica (u daljem tekstu: Ugovorni organ) i

Bosman d.o.o. Sarajevo, sa sjedištem u ulici Rakovička cesta 18, kojeg zastupa direktor Sunija Jahić (u daljem tekstu: Dobavljač)

zaključile su

UGOVOR

za nabavku usluga prevoza motornih vozila posebnim vozilom „Pauk“ i angažman kрана/dizalice za potrebe Ministarstva unutrašnjih poslova Kantona Sarajevo

PREDMET UGOVORA

Član 1.

Predmet ugovora je za nabavku usluga prevoza motornih vozila posebnim vozilom „Pauk“ i angažman kрана/dizalice za potrebe Ministarstva unutrašnjih poslova Kantona Sarajevo. Ponuda Dobavljača broj: 255/P/25 od 21.08.2025. godine data u tenderskoj dokumentaciji čini sastavni dio ovog ugovora.

CIJENA

Član 2.

Cijena za usluge iz člana 1. ovog Ugovora iznosi 15.000,00 KM (petnaest hiljada i 00/100 KM).

U cijenu nije uključen PDV odnosno ukupna vrijednost ugovora sa uračunatim PDV-om iznosi 17.550,00 (sedmanest hiljadapetstotina pedeset i 00/100).

Prema Ponudi Dobavljača jedinična cijena usluga prevoza motornih vozila posebnim vozilom „pauk“ iznosi 150,00 KM/sat bez PDV-a, a usluga angažmana dizalice/kрана iznosi 200,00 KM/sat bez PDV-a.

Jedinične cijene za usluge iz Ponude su fiksne i ne mogu se mijenjati za vrijeme važenja ovog ugovora.

NAČIN PLAĆANJA

Član 3.

Ugovorni organ će Dobavljaču izvršiti plaćanje ugovorene vrijednosti iz člana 2. ovog ugovora, na slijedeći način: 30 (trideset) dana po izvršenju usluge i dostavljanja računa i potpisanog radnog naloga.

GARANCIJA ZA UREDNO IZVRŠENJE POSLA

Član 4.

Dobavljač je dužan dostaviti Garanciju za uredno izvršenje posla u roku od 10 dana od dana zaključivanja/obostranog potpisivanja ugovora u obliku bezuslovne bankarske garancije u iznosu od 10% od vrijednosti ugovora, sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

ROK ISPORUKE

Član 5.

Dobavljač se obavezuje da će uslugu izvršiti u roku 48 (četrdesetosam) sati od poziva ovlaštene osobe ugovornog organa, a u skladu sa prihvaćenom ponudom dobavljača.

U slučaju kašnjenja u isporuci usluge, do kojeg je došlo krivicom odabranog dobavljača, isti će platiti ugovornu kaznu u skladu sa Zakonom o obligacionim odnosima u iznosu od 1% (promil) naručene usluge, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti usluge koja je predmet narudžbe. Odabrani dobavljač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

GARANTNI ROK ZA ISPORUČENE USLUGE

Član 6.

Dobavljač daje garanciju na isporučenu uslugu od jedan dan od dana izvršenja usluge.

OSTALE ODREDBE

Član 7.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u ugovoru i koji nisu mogli biti spriječeni od strane pogođene višom silom. Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i slično.

Strana u ugovoru pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 8.

Ugovorne strane su se sporazumjele da će sve eventualne nejasnoće nastale u toku realizacije ugovora rješavati sporazumno. U slučaju nemogućnosti sporazumnog rješavanja eventualnih sporova utvrđuje se nadležnost Suda u Sarajevu.

Član 9.

Dobavljač nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 10.

Na ostala prava i obaveze ugovornih strana, koja nisu regulisana ovim ugovorom primjenjivaće se odredbe Zakona o obligacionim odnosima.

Član 11.

Ugovor stupa na snagu danom potpisivanja ovlaštenih predstavnika ugovornih strana i traje do realizacije ugovorene vrijednosti ili isteka okvirnog sporazuma.

Član 12.

Ovaj ugovor sačinjen je u 4 (četiri) istovjetna primjerka, od kojih po 2 (dva) primjerka zadržava svaka od ugovornih strana.

DOBAVLJAČ
BOSNA I HERCEGOVINA SARAJEVO

direktor, Sunja Jahić

Broj: 168/U/25

Datum: 30.09.25.

